

金石續編

金石續編卷第十七 宋

武進陸耀通纂

太倉陸增祥校訂

宋五

龍隱巖石刻十一段

在廣西臨桂縣

米芾等倡和詩

高二尺廣三尺二十一行行字不等行書

詩送

端臣桂林先生兼簡

信林老兄助坐

江

湖從事米芾

驂鸞碧玉林環句白瓊瑤人間埃壒盡青羅數分毫

程老列仙長磊落粹露臙玉瀝發太和得君同逍遙

刻巖棲烏鴉陟嶽透紫霄南風勿賦鵬即是登雲輶

建中靖國元年真州清燕堂東園書

教授推官出示 米元章詩詞翰俱美三四讀不能休敬書二十八字謝之 鄱陽程節上

萬□□南洋水遙清風來拂瘴煙銷袖中突兀龍蛇出聊慰天涯久寂寥

崇寧元年三月清明廬陵李彥弼書

龍隱住持仲堪刻石

按程節字信叔李彥弼字端臣時節帥桂管彥弼為教授推官

陳仲宜等題名

高三尺五寸廣四尺二寸七  
行六字字徑五寸許正書

陳仲宜道夫唐最夢傳戴安仁質夫陳中復從道趙淵  
深之唐懋晉德政和辛卯九月十有三日同遊龍隱巖  
按政和元年歲在辛卯乃徽宗嗣位之十一年  
張田詩刻高五尺二寸廣三尺二寸詩四行  
行十四字前後各二行行字不等

題龍隱巖

度支郎中知桂州兼本路經略安撫張田

龍隱晦冥時莫考龍驤挈攬跡堪驚孔明久卧養全德  
老子忽飛歸太清溪上一天常氣勝洞中六月自寒生  
至神不得無情處甘澤年年灑百城

治平四年六月題後四十七年政和甲午三月孫  
修武郎光祖重書

按治平四年張田題龍隱岩詩政和甲午孫光祖  
重書刻石英宗治平四年丁未正月神宗嗣位越  
熙寧元豐元祐紹聖元符建中靖國崇寧大觀而  
迄政和四年甲午實四十七年宋史張田傳田字  
公載澶淵人登進士第知應天府司錄歐陽修薦  
其才通判廣信軍厯知蘄州改湖州徙廬州治有  
善蹟移桂州異時蠻使朝貢假道與方伯抗禮田  
獨坐堂上使引入拜于庭而犒賄加腆熙寧初加  
直龍圖閣知廣州廣德無外郭田始築東城環七  
里賦功五十萬兩旬而成作欽賢堂繪古昔清剋  
史像曰夕拜之蘇軾嘗讀其書以侔古廉吏張田

子孫史所未載廣西通志金石略又有龍隱洞張  
壽之題刻云壽之赴官合浦道出桂林遊龍隱巖  
伏睹先君經略龍圖留題不勝悲感元符二年九  
月旦日第三男供備庫副使新差廣南西路兵馬  
都監兼知廬州軍州事張壽之謹記男光祖光嗣  
光弼光庭侍行經略龍圖留題即指是刻經略為  
前知桂州兼銜龍圖為終知廣州加銜壽之為田  
第三男光祖為壽之之子足徵廉吏子孫之盛据  
壽之題記是張田留題詩刻元符二年尙在豈十  
六年後其石已佚而光祖重書耶

李景口等題名

高二尺六寸廣三尺六寸  
六行行五字行書

國熙丁酉中元日李景亭徐體仁劉景仁來遊龍隱巖  
樂水石之勝徜徉久之

按國熙四年丁酉乃孝宗嗣位之十五年

李景下一字粵西金石略作享補注於旁陸增祥志

朱希顏詩刻

高二尺一寸廣四尺十四行行八字正書廣西金石畧失錄

龍隱洞石壁玉立□門虛明相□江流□貫其中上

□□□如印泥然亦異矣暇日携家泛舟來遊紹

熙五年重午後十日新安朱希顏因

翠壁崢嶸百仞雄玉龍飛下水晶宮禹門激浪從三級

□□□雲僅一弓銀闕交輝天不夜金鱗倒影水浮空

卷懷霖雨沈潛久會有驚雷□歲豐

梅花詩刻高一尺八寸廣三尺四寸詩二十行書後五行行字不等並行書

經略煥章朱公千葉白梅詩

假日過龍隱有以千葉白梅獻者輒成鄙句呈廣

文發一咲榮希顏

素艷重疊雪輕先春不怕雪霜凝人言五嶺地皆熱  
誰折一枝寒欲冰似笑疎花太孤瘦故教密葉擁千層  
湘南別有新春樣拚醉花前喚不膺

提刑寺丞胡公和

教授出示經略煥章佳作戲次元韻浙西有重萼

黃香二種梅頗相類句中因及之因會為呈似長

卿



天憐素質太輕柔不奈西風雪片疑故與紅顏如美玉  
尚餘清影似寒水黃香僅可追多葉重萼堪憐只兩層  
欲問園官分此貼宜樓深遠囑難磨

劉教授和

□□□□ 經略煥章先生寵示千葉梅佳製似咲  
陳花太孤瘦故教密葉推千層昔人所未經道真絕  
唱也褒不揆輒拾餘意申呈仰丐 規削 褒皇  
恐拜上

乾葉驚飛蹀躞輕疎枝綽約鬪酥凝正憐驛使來衝雪  
却費詩翁巧斲冰天女手高饒剪刻玉環肌滿見稜嶒  
何人醉作羅浮夢花杪橫參城未磨

二先生詩文高絕凌跨古作

聖上嘉惠遠民界節來南嶺表一草一木之微皆被  
光寵方編集撰次與四方學士共之且刻此詩龍  
隱以示不朽也最陋非敢賡續使後世知有湛輩  
二先生之餘光也紹熙甲寅長至後五日門生郡文  
學建安劉褒書

朱晦齋刻石

曼卿書

高三尺六寸廣六尺許曼卿書  
九行行八字正書歸頤記行書

已刻總行  
字不計

長城棟光高平希文師古頤川天經太原子融子野陳  
留商東天水元甫子淵榮陽天休清河子思昌黎稚圭  
廣平子京河東伯垂餞南陽道卿出守嘉興于鉅

鹿介之北軒字徑四明道二年六月十七日曼卿

書

上摩崖子能口是書託以不朽口口子之惠余口曼

卿口墨妙一世口語口口口人間者率寶藏過珠

壁此題筆法勁古又所列皆名輩尤士大夫所願見

與世為公口是余心也因報曰諾遂刻于龍隱之石

室時慶元改元正月吉日新安朱晞顏書

字徑二分

劉玉磨曰東都事略石延年字曼卿宋城人真宗朝

以三舉進士得奉職歷仕仁宗時遷太子中允卒於

京師年四十八宋史以延年為幽州人稱其書法道

勁體兼顏柳今觀是刻洵然朱晞顏跋語惜前大半

無文字然有此數言可為重刻之證

廣西通志金石畧

右長城葆光等題名希文者范文正公也稚圭者韓忠獻公也子京者宋景文祁也天休者鄭文肅戩也子融者王曾之弟皞子思者張知白之嗣子道卿者葉清臣也曼卿者石延年也此刻當在汴都久已不傳慶元初朱希顏重刻

潛研堂金石文跋尾

朱希顏遊壺天觀詩

高一行六寸廣四尺十五行行六字正書

慶元之元至後二日遊壺天觀泛舟過龍隱小酌月上而歸新安朱希顏

浪道湘南是瘴鄉玉壺銀闕四時涼卧龍不逐葭灰動愛日空驚繡纓長浮蟻且同佳節醉探梅不作少年狂

暮歸慚愧山頭月照我駸駸兩鬢霜

方信孺書詩境後題字并詩

詩境二字橫刻正書各

字徑寸前後題字四行行九字字徑一寸四分並行書下方詩十五行行十一二三字不等草書

詩境 陸游書

此字始刻于韶之武溪載刻于道之索尊三刻于桂之龍隱巖嘉定七年正月望方信孺孚若

曾榜武夷九曲何如桂嶺七星水石小容螭舫烟雲長

帶龍腥

愛山那惜走千回生怕前驅後騎催石上參差鱗甲動眼中在處書圖開驂鸞未辨乘風去浮鷁何妨載雨來人事百年多變滅祇應題字不塵埃

雨脚初收魚尾霞滿溪流水平溪花尋源曾識武陵洞  
泛宅如浮雪水家但得嵌空元有路何妨峭絕不容車  
道人辛苦輕塵客成塔從來是聚沙 右一首和韻  
右三詩皆為龍隱作也因併書刻之洞中嘉定丙子秋  
方孚若

按詩境二字開禧丁卯年三月放翁年八十三退  
居鏡湖時所書信孺方丞蕭山得而寶之後五年  
嘉定辛未年九月權發遣韶州軍州事撫刻於九  
成臺武溪深碑陰而識之其道州太史樓記云予  
以嘉定壬申年春曲江拜命來守茲土冬十月經  
連山問津而西是信孺抵道州任為壬申之冬次

年癸酉六年春卽已至桂七年甲戌正月刻詩境於桂之龍隱巖惟宋尊石刻拓本未備計其歲月在壬癸冬春之間而韶而道而桂無不大書深刻矣信孺固自號詩境甫其題臨桂之西山中隱山北牖洞皆但書詩境以代姓名又嘗名其集曰好菴游戲詩境集劉克莊序之信孺殆有詩境之癖何其樸勒不厭耶嘉定六年春至九年冬信孺題名見於桂林石刻者其結銜或書提點刑獄或書轉運判官確在廣南西路吳獵撰方公崧卿祠堂記言公仲子信孺從宦於桂後二十年復來官提刑兼判漕是也宋史本傳信孺字孚若興化軍人以

父松卿蔭補番禺縣尉近臣薦可使金自蕭山丞  
召赴都命以使事三往返以口舌折強敵後觸韓  
侂冑怒奪三秩臨江軍居住侂冑誅召自便尋知  
韶州累遷淮東轉運判官兼提刑知真州山東初  
內附信孺言宜選重臣將精兵開幕山東以主制  
客坐責降三秩稍復官歸營居室岩竇自放於詩  
酒獨不及官廣南西路時事史家脫略當以石墨  
補

方詩內前驅後騎驅吳作旌多變滅多作俱陸增

祥志

方信孺五言古詩

高四尺四寸廣二尺四寸  
十一行行二十二字行書



龍隱巖詩莆田方信孺孚若父

春波飽微添斗柄涵空明方舟貫巖腹鵝鵲相酬鳴仰  
窺穹窿頂宛轉百怪呈僅餘鱗甲碎不見頭角獐下闌  
清冷淵演迤萬頃澄但同魚鳥參勿遣蛟龍驚挾苔撫  
奇篆倚棹看題名三將標殊勛自與山不傾誰歟贅小  
築政恐山霧噴南洞更幽絕僊佛依崢嶸太虛可為室  
豈復資鑠楹乳泉助茗椀中有冰雪清何須驂鸞去此  
卽白玉京鼎來不速客抱琴忽逢迎愛此無絃曲崖溜  
同一聲為君洗塵耳喚我詩魂醒祇愁白衣至好句亡  
繇成

嘉定七年四月朔刻

李與等巖洞紀游

高四尺廣二尺六寸六行行十字

八桂巖洞為天下奇觀同谷李與九華章時發臺榭餘  
閑躍馬汎舟仰堯山之高挹諸巖之勝時和歲豐與堯  
民共擊壤云咸國甲戌上巳後十日

按度宗咸淳十年歲在甲戌是年帝熈嗣位元師  
大舉入寇鄂州黃州江州安慶皆叛降元李  
與等尙託之臺榭餘間欲共堯民擊壤真積新厝  
火而安寢之矣又其年四月臨桂西山題名稱憲  
倉九華章時發帥守同谷李與

### 桂林湘南樓記

高七尺八寸廣四尺八寸二十八行行四十六字正  
書篆額額題湘南樓記四字字徑尺在廣西桂林府  
東江門城上  
迨迨樓碑陰

上登位之明年以直龍圖閣

詔寵桂州經略安撫

程公所以

獎忠勸勵勲閥也

公初以

新天子即

大號未及

陛見仰窺

清光而

遠守藩城迺嬰

嘉命德

上之賜頡首感榮惟

是庶幾夙夜恪共厥職而

公于府事無間巨細咸與

區處邊陲晏休鈴齋多暇願無足以攄胃懷者而

公

默恢遠慮謂桂西南都府所以為襟山帶海用兵遣將

之樞然自皇祐中僂賊噬邊朝廷始大城桂故其隍池

樓櫓之列有瓌鴻侈麗之勢閱歲滋久城東之門柱歆

綴頽棟桷腐撓卑陋褊迫甚非所以為邊庭壯觀也

公迺因舊奏而鼎之運脩城之金裒羨戍之卒搜山度

材以其心匠授內殿承制兵馬都監和議俾董厥功  
惟議精覈經營贊明巧思初無擾紛土木告辦興于建  
中靖國之秋成于崇寧初元之夏下拔峻壩上聳麗譙  
霍若雲戟而山峙驤簷牙以掛斗傍縈欄楯以躍林杪  
頽糊丹綺與朝日爭輝高牖疏櫺與游氛襲氣觀者忉  
愕謂是功不訾矣公舉觴屬廬陵李彥弼曰茲樓揭  
孽輪幽壓百雉之紆餘爽豁空濛睇千里之超忽平開  
七星之秀峰旁舉八桂之遠韻前橫漓江之風漪後湧  
口府之雲屋環以羣山疊眾皴而昂孤竊若神騰而鬼  
邁若波駭而龍驚茲亦勝槩之絕倫者矣昔之賦客詩  
人咸指桂林為湘水之南嘗試以湘南命焉子其為我

摘藻而碑之惠茲樓為不朽可乎彥弼敬復公曰昔李  
太白人中僊才而以不識韓荊州為羞韓退之天下文  
伯而以不到滕王閣為恨蓋珍夫心賞之難遭也今僕  
之來棲碧幢之餘陰颯珠履之後塵時為高明之遊寫  
快襟而寓遙矚關飛動而接混茫摻毫振英與山川淑  
靈相為友朋斯豈尋常之遇哉夫氣象之優嘉此亦造  
物之所深惜也然其有所謂神龍之洞淵真僊之窟宅  
名山巨川往往出於遐州眇邑之陋幽林哀壑之荒軌  
跡不得而經者此亦氣象之不幸者也今湘南之景駿  
騁雄張環輳城郊而雲煙之變化風月之朝昏千態萬  
狀惟公以一樓臨之倚檻轉瞬之頃盡得於眉睫之

間則雖使造物欲韜光匿竒秘藏而惜之烏可得哉

公識量虛明禮賢揚善髦俊之士翔集府下號為冠蓋

之盛明公之眷眷于茲樓豈造物者特所以露怪變

之豪而侑賜詠之樂哉因復系之以辭云 偉桂林

之通都兮連三湘之嶺南控蠻陬而轄海疆今儼帥居

之渾渾營昌黎之高篇兮江山羅帶而玉簪繁銜命而

來遊兮若僊登而變驟遶 聖朝之天覆兮鳥奔係

讐而亂戢戢戈甲而燭氛埃兮曾弗勞於韜鈴嘉 龍

閣之程公兮擁藩旄而笑談盍清威而抗棱子洗蠻蠻

而律貪泆五春於蕃宣子承 皇流而澤涵奢樓觀

以壯厥武兮屹飛檣之耽耽壓城椒而四瞰今龍景象

而錯參搏翠壁而攬秀色兮駭造化之剗鑿駟蒼螭而  
駕青虬兮歎層穹而仰巉穴來風而巖隱龍兮恢靈窟  
之空嵌羗連拳而歔歔兮憑七星而倚神擔塉峻脚以  
插紫洲兮匣清漪於玉匳捫太虛而梯天兮超惚恍於  
蹕凡雅風餐而雲臥兮灑蛟螭于拱簾羅兵尊而虹吞  
兮醺簪裾而醉酣仰我公之興復不淺兮躡風御而  
薄氷蟾蜍無倚馬之僊標兮為公翻墨海而搜潛排  
閭闔而掀滯淫兮剖鬱紆於前瞻雖越吟楚奏而忘異  
鄉兮仲宣依劉而知恬寄窮通於塵垢之外兮探虛无  
曠莫於周眺嗟景物之戀賢牧兮遑卹主人之留  
淹望堯雲於慶霄兮接何時而晝三異我公之

橫翔今拱

凝旒於邃巖風流千載於茲樓考桂人

志德以無厭

崇寧元年壬午四月辛丑日廬陵李彥弼記華原周  
冕書鄱陽程鄰篆額清宮張灌立石  
朝請大夫直龍圖閣權知桂州充廣南西路兵馬都  
幹轄兼經畧安撫上護軍鄱陽程節

桂州龍抃龍湜刻

按程節修桂州城東門樓名曰湘南李彥弼記之  
語涉誇張文殊宏整周冕楷法在君謨元章之間  
廣南石墨之佳者文節前後題名紹聖乙亥二年秋  
遊龍隱巖冷水巖三年十月遊伏波巖並題朝奉



大夫轉運副使程節信叔元符三年五月遊潛珍  
洞元風洞但題鄱陽程節信叔其擢經畧安撫在  
徽宗登位之後登位之明年即改元建中靖國之  
年也彥弼字端臣冕字公儀灌字通甫見米老詩  
簡及諸岩題名彥弼冕灌皆節幕僚程鄰節子太  
觀中廣南西路經畧安撫使侯彭老程公巖記云  
後數年公之子繼來帥桂其忠義文武為國家扞  
邊而庇民一如公即謂鄰也節鄰父子皆以邊功  
自喜賓客多夸大之詞圓熙間括蒼梁安世嘗於  
屏風山題詩譏之

唐李長者通玄行蹟記

高三尺二寸廣二尺額題華嚴論主顯教妙嚴長者  
十字上載刻長者伏虎像下刻行蹟記二十七行行  
壽陽縣方山昭化寺

唐李長者皇枝也諱通玄但言滄州人開元七年至太  
原孟縣大賢村有高山奴延紉安居長者每日唯食棗  
十顆柏葉餅子如匕大者一枚自爾不交外人掩室獨  
處舍毫臨紙曾無塵時如是三稔一日捨山奴南去至  
馬家古佛堂自搆土室寓於其側端居晏默于茲十年  
後復囊挈經書遵道而去次冠蓋村忽逢一虎馴伏長  
者告以吾欲著論釋華嚴經可與吾擇一栖止慶言畢  
虎起長者徐而撫之遂將所挈經囊掛于虎背於是虎  
望神福山原直上二十餘里當一土龕收囊於內龕之

卷十七 宋五

十三

四旁舊無潤泉長者始來之夕風雷暴作拔去一松化為一潭憇陽之歲祈求必應長者製論之夕心窮元粵口出白光以代燈燭居山之後忽有二女子容華絕世皆可笄年俱服布衣悉以白巾幪首姓氏居處一無所言汲水焚香供給淨饌莫知所已歷于五祀著論將終遂爾絕跡長者身長七赤二廣眉朗目丹唇紫肥長鬚美茂脩臂圓直髮彩紺色毛端右旋殊妙之相靡不具足首冠樺皮身披麻衣長裙博袖散腰而行居常跣足放曠人天忽一日出山訪舊止之里適值墅人聚族合樂長者曰汝等好佳吾將欲歸衆乃必謂却還滄州揮涕懇留長者曰縱在百年會當歸去於是衆送長者却

還龕所復衆曰去住常然汝等可各還家翌日長叟結  
徒禮候但見姿容端嚴已坐化於龕中報齡九十有六  
時當三月二十八日也

大宋崇寧元年七月十五日比因宗勝立石施石正助  
緣蘭宣楊誠楊世榮楊世明趙永□勸緣太原府壽陽  
縣方山昭化院住持沙門法□王□

按李長者行蹟碑不題撰書人名氏筆迹端秀乃  
宋人小楷之可法者

昭化寺帖

高二尺廣三尺五寸二十五行行二  
十五字正書在西壽陽縣方山

太原府

帖壽陽縣方山昭化禪院

准尚書禮部符准崇國貳年捌月叁日

勅中書省檢會崇國貳年肆月貳拾壹日

赦書應

先聖賢祠宇舊來有名德僧道為衆師法未有封賜爵秩謚号師名廟額仰所屬勘會聞奏特加封賜今勘會下項捌月貳日三省同奉

聖旨摩騰賜號啓道圓通大法師法蘭賜號開教揔持大法師傳大士賜號等空紹覺大士李長者賜號顯教妙嚴長者定應大師賜號定光圓應大師其婆州雙林寺并太原府壽陽縣方山昭化禪院西京白馬寺汀州武平縣南安巖均慶禪院今後每遇

聖節各許進奉功德疏內雙林寺回賜度牒貳道餘叁

慶各壹道奉

勅如右牒到奉行前批合入祠部格捌月肆日午時付  
禮部施行仍開合屬去慶數內一項須至符下太原府  
壽陽縣方山昭化禪院係李長者造華嚴合論之所

司功寮勘同

手分王俊

馬宣

張溫

郝口

元慶

押司官韓口

句押官祁年

押

孔目官楊志

李元

口孔官侯智

押

右帖壽陽縣方山昭化禪院仰詳上項 尚書禮部符  
內

勅命指揮施行崇寧貳年玖月初叁日帖

權河東節度推官石

差出

權太原府觀察判官鄭

押

宣義郎監持稅務權節推張

押

承事郎簽書司東館閣判官廳事王

押

朝散郎通判太原軍府事蔡

差出

朝奉大夫通判太原軍府事陳

押

龍圖閣學士朝奉大夫知太原軍府事范

押

善見河東山南西道節度使守太師開府儀同三司太原牧監原牧陳至

將仕郎縣尉劉

將仕郎主簿張

通直郎知縣事

賁

方山昭化禪院供養主比丘宗勝

監院比丘宗悟

住持沙門法政立石

張端李震李口馮興張口王濟王方施石

按壽陽志方山下寺有勅賜顯教妙嚴長者碑即指此也錄之以存宋時符牒之式潛研堂跋尾云

陳王蓋徽宗之兄似封申王者宋時諸王外戚領節度使者不之鎮而府帖猶存其銜此一代典故見於石刻考官制者所宜知也

後補施石一行

陸增祥志

石夷吾等樓觀題名

崇寧二年十二月在陝西盤屋

建安王公詩

崇寧五年丙戌三月東長孺行書在陝西咸陽

關中金石記王作黃未見拓本姑仍之

陸增祥志

孔聖手植檜贊

草書在山東曲阜縣



孔聖手植檜贊 宋太常博士米芾 煒東皇養白日  
御元氣昭道一動化機此檜植矯龍旌挺雄質二千年  
敵金石紂治亂如一口百代下口圭璧

本刻舊在手植檜樹旁歲月既久再罹火災殘缺更  
甚乾隆辛未孔中翰繼沐得襄陽墨蹟於華亭張文  
敏家結體較小而風神骨格無異因重摹一石移置

石於同文門下

山左金石志

富丞相登大像閣詩

大觀元年正月于巽書并記在陝西耀州

孫敏行等題記

大觀元年丁亥三月在陝西略陽八渡河石壁

顯慶祠董宗師等題記

四行行十一字行書左行刻壁池  
近慶公碑側上載在山西安邑縣

措置解鹽屬募董宗師甘亭上官革李公衍口佐以池  
事集道釋析晴于 顯慶祠大觀元年歲次丁亥夏四  
月甲子日書

章吉老墓表

行書在安  
嶺無為州

無為章吉老墓 承議郎行書學博士飛騎尉賜緋魚  
袋米芾表

神農有熊氏咸以揀民為道上聖神靈生而知之簡易  
無文後世聖賢相師攷□□若心得其至也雖千年若

合符契故孔氏謂安知來者之不如今又曰聖人有所不能知夫陰陽儲精神而明之可不妙哉無為章氏迪字吉老洞精鑒書而得針刺術於素問內經之間以其道求人者壽至七十九莫不見膚透膜隨針病已華俞氏不能過也又以其道授子濟濟誓拯三千人因不復針又以父道付子權吾聞士大夫多道濟權起病如神速得守符親所嘗試會濟請吾友周元章撰埋誌不復多得願表墓道遂直書其事吾不及識君觀其子孫廉介自守不以藝取人知君隱施夫行符藥除病求人除害物□□清有錄許氏陽雞犬亦仙去後之人勿替其志來□□不讀吾文者勉之

大觀元年歲次丁亥重午後丙戌日男濟立石

元章書章吉老墓誌及表表字大於誌然佳不及於誌吉老以醫名於時元章既為書誌又為述表拳拳而不厭其複雖其子之自致亦以吉老為人可稱也觀其志之所述數事蓋亦篤行而隱於醫者今人於親之沒自為誌文刻以示人苟且完事惜費而忘義豈以今之時無米顛耶吾於此深有所憾元章此書筆勢縱於誌銘大都士人作書有乖有合觀者雖不可執此較彼然必求其妙處則於自己臨摩方有資助不則只是聞張顛善草凡得其敗紙惡札皆謂是以頭需墨時所書豈不是癡人前說夢

元續紀

八行八刑條碑二種

一在陝西武功縣行書

御製序及奏寫題額各銜名與萃編所載興平碑同不錄錄碑末題銜如左

奉議郎新通判涇州軍州管勾學事權京兆府武功縣事借緋魚袋臣蒲瑩立石

一在陝西藍田縣高五尺八寸廣二尺九寸三十四行行六十九字正書額失絹

文見王氏萃編不錄錄碑末年月題額如左

大觀元年十二月二十日奉

御筆建

學諭臣支慶嗣

學長臣吳翰

將仕郎京兆府藍田縣尉管司學事臣朱翼

通仕郎行京兆府藍田縣主簿權縣丞管司學臣劉湍

從事郎知京兆府藍田縣事管司學事兼管司勳慶書范秘

將仕郎女提舉永興軍等路學事司管司文字臣黃哲

朝散郎權提舉永興軍等路學事雲騎尉賜緋魚袋臣李降

按御製八行八刑條宋史徽宗大觀元年三月立

八行取士科八行者取周禮大司徒之六行益以

中和謂知君臣之義為忠達義利之分為和也八

行中以孝悌忠和為上睦婣為中任恤為下是歲

六月令諸州學以御製八行八刑刻石從江東轉

運副使家彬奏請玉海一百六十大觀元年三月  
詔士有弟悌陸端任恤忠和八行貢入太學大司  
成考驗取旨釋褐又云書目有御製八行八刑條  
一卷刊石立之學官士以其行之多寡視三舍選  
而犯八刑者不齒能改過又有二行乃聽入學困  
學紀聞云大觀八行因周禮之六行附以六德之  
忠和姦臣不學如此蓋碑雖題大觀聖作實出蔡  
京之手故王氏直斥為姦臣不學也金石萃編所  
載得於陝西者四種寰宇訪碑錄所載得於江蘇  
山東河南陝西者凡九種皆不及此刻此在陝西  
西安府藍田縣學烏程邵君琨宰藍田時拓贈元

豐九域志陝西永興軍路京兆府縣一十四藍田  
府東南七十里碑載建石各官不知何人所書時  
權提舉永興軍等路學事為李降充提舉永興軍  
等路學事為黃哲其知藍田縣事范秘藍田縣主  
簿權縣丞劉湍藍田縣尉朱翼結銜並帶管句學  
事潛研堂金石文字跋尾史載崇寧三年詔諸路  
知州通判增入主管學事四字知縣丞尉亦帶管  
句學事未審昉於何年案文獻通考載紹興九年  
知建昌軍李長民奏宣和以前准知通令佐階銜  
並帶主管學事所云知通者知州通判也令佐者  
知縣丞尉也疑令佐帶銜與知通同時增入而史



未之及耳碑稱管句而文獻通攷稱主管者南渡

後避思陵嫌名追改之也高宗名構永思陵

案筠清館金石記尚有山東之臨朐城武河南

之滎陽三種又山東之章邱湖南之常德湖北

之興國州均有是碑陸增祥志

運使中奉七星巖詩刻

高二尺二寸廣二尺五寸橫額題運使中奉詩五字  
字三寸詩十行行十二字並正書在廣東肇慶府七

巖星

遊七星巖

三四奇峰傍短亭一巖春色冠圖經四時吞吐西江水  
萬古森羅北斗星日月餘輝通□□□霞微徑上青冥

嶺南惟此

興王地好與邦人作畫屏

予○歲事自龍江舍舟入端道由七星巖乃○  
詩于石大觀己丑○口口月初六日江陵口口口  
按詩稱興王地者徽宗始封端王元符三年正月  
嗣位十月升端州為興慶軍重和元年改肇慶府  
自龍江舍舟通志金石畧缺龍字此拓本甚顯太  
平寰宇記廣州四會縣龍江水在縣東北源出萬  
金鄉端州北七里至北山山北即四會縣界自龍  
江舍舟取山徑入端州正由七星巖也歲己丑大  
觀三年末缺三字孫星衍寰宇訪碑錄云宋述撰

崇福宮張杲題名

行書在河南登封縣

權發遣京西轉運使張杲被 旨詣嵩山 崇福宮安

挂 御賜二門牌大觀庚寅十一月二十九日至此

大觀四年十二月一日崇福宮權宮主道士王口名

立石

將仕郎縣尉兼主簿丁晏

宣德郎知登封縣事唐慤

思武堂記

高六尺五寸廣三尺五寸二十四行行四十  
一字行書在山西平定州署內湧雲樓下

口口口記

口口君子澤被於生民者慶必流於後世功存於社稷

者報必厚於子孫故有非常之人然後立非常□□非常之功然後百世可高其樂

□宋授命

□人出圍肇造區夏削平僭偽肇八紘之洪緒一六合而光宅是生異人以衛社稷感會風雲依日月之□光於高武烈王見之矣惟王天胙忠勇神贄智畧應期佐命文武桓桓以折衝禦侮之才為股肱心膂之臣氣決浮雲精貫白日乘機應變一舉萬全以建必然之策屢無窮之勲方

太宗之發燕南王從薄伐以平太原克并代至咸平中契丹舉國內軍而王擁兵拒虜左揮右斥閔氏為之遁

去景德初契丹軍澶州

天子親御六師駐蹕韋城而王扶輦渡河三軍咸躍虜  
眾大潰風徂霆駭而捷覽斃於流矢故能張皇神武  
大聲單于畏懾奉書請盟班師振旅策勲第一封國  
昨土以榮耀當世而陰功潛德鍾于

□□□官源深流長與

□□□

□□□□□□□賜謚典以折衝禦侮曰武安□□功  
曰烈爰

□□□□□□□□□□之

□□□□□□□□□□碑□□□德報功以昭

示天下後世可謂至矣古者繼世以立諸侯而□□□  
□□□□□□□□□□之興起於武烈而繼之以武穆  
至於子孫千百世有譽處種德之効不其顯□□□□  
□□□□□□□□孫名公純字君粹以州鈐轄實為同  
僚勲閥世系得之頗詳未幾君粹移守□□□□□□  
□□□□□□有堂新成榜曰思武願丐文以為之記按  
王之勲德在人百有餘年其見思□□□□□□□□  
□□□□不稱道而嚮慕之非特子孫而已然子孫之賢  
能思其美而繼述之不替不□□□□□□□□□□  
□□王可謂有其志矣詩曰維其有之是以似之蓋言  
君子有之而之子亦似□□□□□□□□□□□□

口學樂善有志於事功非特思之而已且將見於行事  
故樂書之以告來下

上判趙州軍州事吳興魯百能撰并書

上使權發遣平定軍事兼管內勸農使飛騎尉高公  
純立石

按思武堂記魯百能撰書堂為高公純所建名曰  
思武記其先武烈武穆二王勲德也道光元年四  
月江團沈禮田瑤知平定州州署東北隅有湧雲  
樓予日與登眺芟薙榛蕪於砌前掘剔得此碑已  
缺上方左角歲月無徵記稱王之勲德在人百有  
餘年而高公純以大觀四年知平定軍作堂記石

即此時矣以宋史考之武烈武穆當即高瓊高繼  
勲父子高瓊本傳瓊燕人太宗卽位擢御龍直指  
揮使從征太原咸平中契丹犯塞其母車帳至狼  
山大夏上親巡河朔瓊率所部出土門記所云擁  
兵拒虜閼氏遁去是也景德中車駕北巡前軍已  
與敵接或勸南還瓊曰敵師已老陛下宜親往以  
督其成上卽進幸澶淵真宗本紀景德元年十一  
月車駕北巡駐蹕韋城契丹兵至澶州北直犯前  
軍其大帥撻覽耀兵出陳俄中伏弩帝次澶州十  
二月契丹定和以誓書來與此記並合記陰功潛  
德而下蓋稱繼勲之濟美所云興起於武烈而繼



之以武穆也。瑱官檢校太尉忠武軍節度景德三年卒，贈侍中，封謚不著。子繼勲，建雄軍節度使，知滑州，卒，贈太尉，有威名，號神將。子遵甫，北作坊副使。嘉祐八年，遵甫女正位皇后，神宗即位，冊皇太后，累贈繼勲太師、尚書令、兼中書令。追封康王，謚穆武。熙寧九年，詔宰相王珪為神道碑，御篆碑首曰：克勤敏功，鍾慶之碑。史稱澶淵之役，高瑱功盛，繼勲將業過其父，此碑所由以立。蓋瑱與繼勲並追封王爵，瑱謚武烈，繼勲謚武穆。史一失載，一誤為穆武也。平定州志：宋檢校太尉高瑱墓在孟縣兩貴村。山西通志：高瑱墓在孟縣西七十里。公純

史無傳平定州志職官高公紀宋高武穆王孫太  
觀四年知平定軍兼西染院使又古蹟湧雲樓在  
州署東北隅創於宋名思武樓大觀四年平定州  
尉高公純更名湧雲此志凡三誤以公純為公紀  
前後互異一誤也公純權發遣平定軍事兼內勸  
農使飛騎尉志以意割截改作平定州尉二誤也  
宋史職官志叙遷之次勳  
十有二其十為飛騎尉記云有堂新成榜曰思  
武是思武堂本公純所建志反云宋名思武樓公  
純更名湧雲三誤也可以此碑正之宋李心傳建  
炎以來繫年要錄載靖康二年二月南道副總管  
高公純奉詔勤王頓兵不進元豐九域志河東路

平定軍治平定縣太平興國四年以并州平定縣  
置軍河北西路趙州趙郡軍事治平棘縣自界首  
至平定軍一百四十里魯百能書法縝密與蔡蘓  
黃米諸大家並時而不為所掩予所見石刻拓本  
此碑而外有政和元年扶風遠愛亭詩正書繫  
年要錄又載紹興六年七月故檢校少保保靜軍  
節度使高公繪故集慶軍節度觀察留後高公紀  
並追封郡王二人皆士林子也以宣仁聖烈皇后  
遺恩自防禦使升拜留後公紀先卒及免喪公繪  
乃除節鉞至是其子世則數以惇卞阻格遺恩為  
言故有是命

昭化寺政禪師行狀

高六尺廣三尺十八行行三十七八字不等  
行書額題政禪師三字在山西壽陽縣方山

宋方山昭化禪院政禪師行狀記

方山昭化禪觀政和尚姓羅氏太原府平晉縣古城北  
洞子鎮人通華嚴經論熙寧五年壽陽縣父老于方山  
上西靈松崑下金剛泉側以石累為龕請師居龕講華  
嚴經一方士俗蒙益超善共購置度牒請師就本院撫  
僧落髮出家熙寧五年南遊諮叅至潤州甘露寺依廣  
照禪師一日辞廣照遊廬山廣照問師此與廬山是同  
是別師禮拜依位而立廣照然之又謂曰女他日當坐  
古菩薩道場有肉身大士先已為汝發揚化衆興建也

元祐初至西京大字院晉藏經縣郭三社與山前六村  
善友全狀經官陳述請師住持官從之師受請至紹聖  
中開墾山田建下庄院一所歲收蕎粟千斛淨侶雲集  
鳴魚擊鼓先待於外崇寧二年張公來觀文在中堂  
奏請

勅題并逐年撥放童行一名勅下之日山前布金色  
銀色世界種種化現遠近人心益堅信嚮與五臺等矣  
此地舊名神福山今賜號方山寺稱昭化禪院長者謚  
號顯教妙嚴又蒙蔡公元度樞密親書長者祠堂碑  
額師悉親口於大觀三年鑄洪鍾一口重一萬斤其聲  
嚮徹兩縣度門人弟子有宗悟等一十六人并汾之間

士庶無諠貧富大小悉心化而誠服政味三年師無疾  
不食唯飲淨水衆善友柴和趙百祥等數十人聞之皆  
來集會圍繞師左右謂曰欲得師久住世間興隆佛  
法願和尚慈悲順我等請師曰時至即行諸佛亦然衆  
皆不散師問小師宗弁曰日在何時弁應云午時師曰  
從來道底衆云是什麼師曰清風吹不盡明月照還晶  
師偃息乃留頌曰天長地久莫之能守涅槃妙心幾人  
能透拊床一下卧右脇而終遂收舍利一千粒俗壽七  
十一僧牘五十三師門弟子宗悟持師行狀千求相  
公銘師之塔公曰汝持戒僧也決不妄語可依實而書  
焉用吾文宗悟奉命書朝奉大夫致仕郭瑗書晉

山李永常摸刊

重修五仙祠記

政和四年十月張勸記在廣東廣州府五仙觀

鼓山宋人題刻十五段

在福建福州府起政和立圖祐

陳紹夫題名

五行行七字字徑五寸正書

陳紹夫邀韓符曾昂許紘遊鼓山姪建嘉會男祖澤姪

孫森侍行政和五年三月十一日

按紹夫陳襄子侯官古靈村人襄有古靈集二十

五卷紹夫所編李綱序之

俞師直題名

四行行七字字徑六寸五分正書

俞師直邀楊達夫劉應叔瞻禮佛會早饒平遠臺宣和

壬寅四月初八日

林槐老等題名

五行行六字字  
徑五寸正書

林槐老賈箴之方端立顏希稷俞馮老方翊之劉敷言  
紹興辛未重九日同游

王叔濟題名

四行行六七字不  
等字徑六寸正書

趙仲承王則之幼度蔡德輝來遊紹興乙亥仲春中休  
王叔濟題

王瞻叔題記

五行行十一字  
字徑六寸行書

乾道丁亥暮春廿三日余出郊觀稼勞田夫野老而訪  
其疾苦遂至鼓山燒香供茶登臨滄亭而返男銖錞鏗



鈇孫宗侍行襄陽王瞻叔書

朱子題記

五行行十一字字  
徑七入寸許行書

康熙丁未晦翁來謁鼓山嗣公游靈原遂登木雲亭有  
懷四川子直侍郎同遊者清漳王子合郡人陳虜仲潘  
謙之黃子方僧端友

曹季本題名

四行行十字字  
徑三寸餘行書

開封曹季本侍

兄公弼同三山李澤卿練塘洪魯卿

柯梁釋守如丙辰季冬十七日遊此命子磬書

案丙辰慶元二年也

吳渙等題名

五行行八字字  
徑五寸正書

開禧改元乙丑孟秋中斡十日閩尉延平吳渙奉父吳

元肅同拉晉江石應孫來遊子振侍行石應孫題

趙汝訓題名

四行行十字字  
徑四寸正書

浚儀趙汝訓領客昭武吳信古傳東吳天民黃旂郭應  
炳端平丙申四月上澣同遊次男崇璵侍

趙希譙等題名

七行行十五字  
字徑三寸正書

同主趙希譙林勉翁王叔安叔恭樊淇口龍輔潘自得  
陳守謙周從龍王洧彭順黃子俊林驥史白口道士謝  
顯道期而不至王允恭邢愿方口孫王公煒陳容鄭碩  
楊士郎潘公泳口怡公潘物李口祖陳澗同登步則游  
靈源分韻賦詩皆嘉熙三年口月十一日

俞齋題名

六行行九字字  
徑五寸正書

嚴陵俞齋携子慶孫寓通守真侯館吟圍祐丙午清明  
晦三日偕道士徐泰來遊回遍覽奇勝悉讀西山先  
生文忠公詩倚暮而歸

趙希裕題名

四行行九字字  
徑六寸隸書

厚祐丁未孟冬朔止泐趙希袞偕客王復陳士挺來遊  
子與諫與諱侍住山宗信僧顯輝智燈

方克昌題名

三行行十字字  
徑五寸正書

皆圍祐戊申上巳之明日蒲陽方克昌世蕃來遊姪覺  
翁子義行義和義明侍

趙與滂題晏國師喝水崑詩

六行行十三字  
字徑三寸正書

晏國師喝水崑 古塼出唐井豫識國師名於此坐禪

處喝回流水聲如何神晏塔移作李綱瑩見說山中石  
不平空自鳴圍祐已酉閏三月清明閩安鎮官四明趙  
庶境與滂題于白雲亭石

樓治興題名五行行八字字  
徑六寸正書

圍祐九年歲在己酉七月庚辰日殊房樓治興客張棧  
何炎大弟濡偕游盡日湧泉亭上月明同載而去

鼓山兩宋石刻不知凡幾今就所得題名詩刻拓  
本起政和訖圍祐十五段總錄於政和之次

濟瀆廟祖天符告

高五尺廣二尺五寸上刻祖天祀子治水靜穰丹命  
之告篆文六行行二字中刻御書符籙下刻祖天丹  
命之告十八行行十二  
字正書在河南濟源縣

祖天祀子治水靜穢丹命之告 虛元妙理湛法度誠  
蘭公覺慧孝道悟平七元魁宰九炁昊清化合萬象變  
涉五行阿縈隱彰旋幹出入律令無為經營可立丁壬  
媾交昇降呼嘯觀全曠盈聆脩冲藝保合庶彙役使衆  
靈高明日月徹耀緯經祥雲紫秀瑞氣黃圉感動寥極  
靜鎮杳冥滌盡垢穢潔噉空色尊靈益恭乾天愈救仁  
慈以勲戎錄乃職久視不忘道德崇力

帝御寶歷丞續金滕澤滋圓足日暉方昇昌辰 德隆  
景中興三五法益千萬紀偁 急急如律令

有宋政和六年九月辛卯朔九日己亥謹建

徽宗訓士詔

額高一尺九寸寬一尺五寸題御筆手詔四字字五寸上緣高二尺八寸寬四尺二寸二十二行行十六字字寸二三分下緣文高五尺七寸寬四尺二寸二十九行行五十一字字徑一寸並正書在山東歷城縣

朕承祖宗遺休餘烈崇經術設學校興賢能以待天下之士高爵重祿承之庸之以待士之任官者蓋與之修政事理人民以立太平之基致唐虞三代之隆宜有彙傑特立之材忠信志義之人比肩相望焜耀一時為世盛事而比年以來懷僭亂之異謀干誅死之極憲者如趙諗儲倖王采劉昺之口或賢科異等勲閥世胄或出入禁闕侍從之口袖為捐紳士大夫之大辱間巷無知愚夫愚婦之所憤疾武夫果卒未嘗知書者或羞道而喜攻之其故何也豈心勝而義不足以動之歟抑勸

導率勵之方有所未至歟夫經傳所載君臣之分忠義之訓榮辱禍福之戒豈不深切著明今誦其言而不能効之行事深慮薄俗浸漬士風陵夷失崇養之指害教化之原爲天下後世笑口者師儒之仕以學行致大官其思所以勸勵興起畀知尊君親上之美無復暴戾邪僻之行以居德而善俗以化天下後世稱朕意焉故茲詔示奉行毋怠

李邦彥

下高寬二寸圖章一方內篆刻此爲上截

政和八年夏六月

上親御翰墨作訓于四方多士以

其

詔屬侯邦彥使奉行之秋七月被旨揭示于太

學暨辟雍仍著之石九月

臣以職事進對便朝上諭

臣曰前日詔書學者宜識所以訓迪之意且暴戾邪僻  
豈士人所為臣頓首謝曰陛下興學造士澤之人人  
深矣孰不能惠上德而化之聖詔一頒鼓舞丕應  
咸目喻而心成咨嗟誦詠者不可一二數憤激而勸以  
義者慨然相先也蓋教育之道素明而理義之感人若  
是其敏願詔儒作記以揚屬休蹟俾天下後世無忘  
其章越二日御筆委臣識之而臣疏逃一介擢長師  
儒毫髮未報宸翰所及獎飾踰分眷任之意不  
替益專口口以無田取玷上寵俾加序述惟是不腆  
末學固不足以辱命而載名其下有榮耀焉臣之幸  
也謹拜手稽首而言曰臣聞三代之學皆所以明人倫



人倫治化之本義命之大戒存焉士之所學學此者也  
上之所教教此者也政事之興風俗之醇皆原於此周  
監二代禮樂口事備矣而教養之法加詳法象所示雲  
漢其章人才之成金玉其質拔奇取異而官使之各正  
口口咸懋嘉德故服事其上而下無覬覦羔羊節儉正  
直之風有辭于永世知所以尊義而立命故也治降叔  
末君臣信義之論策名委贄口口口口口口口口戰  
國之間時以為美談豈餘波遺澤燕及來葉而人倫之  
教在人心者未熄耶 上以神明潤懿之資發揮 前  
聖光大之烈勵賢崇化一本於學所以風天下而善萬  
世者三代不足進也邪謀弗口既口口憲而口口口訓

辭諱切口勤勤于庠序師儒之官口 宸慮所圖至深

且遠矣譬猶慶霄清白日中照有目有趾者待是焉顧

非甚愚孰不知嚮寔口慕心滌慮祗本明德戒懼而不

敢少易也嗚呼士之取重於世者以義命在我物無得

而移之故尊君親上之心常存而不喪嗜逐末者義以

利勝樂干時者命以故滅陵夷漸漬始失其常心越乃

誕作狂僭矯誣之口而階之為禍屢校之施金柅之戒

口不在厥口口口口口口口天心仁愛之篤形于詔

諭其為惠可勝既耶書曰王言惟作命不言口下罔攸

口今夫以 九重之近幹制四海之遠 德意志慮非

言弗宣真令之 臣所當奉以周旋靡違夙夜矧 聖章

洛畫口布于上下而又勒諸翠闕口口口口敢不  
口口續文未工愧無以形容聖作之萬一然戒告  
之嚴委寄之重尙俾來者勿怠于成口口口口  
不顯休命口億萬斯年之永則是記也豈特侈上之  
賜使後世歆豔其美而已哉冬十月己卯朔十五日癸  
巳朝議大夫試大司成同修國史隴西縣開國子食  
邑五百戶賜紫金魚袋臣李邦彥奉御筆記并書  
保和殿直學士朝請大夫提舉上清寶籙宮編類御  
筆兼禮制局詳議官校正內經同詳定官汝陽縣開國  
子食邑六百戶賜紫金魚袋臣口口奉聖旨題額  
奉議郎試辟雍司業臣李口隰奉議郎試辟雍司業

臣程振

原書所載云在陝西耀州編中未錄碑文關中金石記亦未載茲以歷城本補之年月相同詔記當無不同也原注云蔡脩題額此本題額人名已闕未必是蔡脩手廣東韶州亦有此碑增

詳志

湯顯謨胡仲文詩刻

政和末在陝西隴州大佛寺

仙樂雲篆記

政和七年御書宣和元年七月刻石在陝西耀州

五臺山

昭化寺李長者龕記

卷十一

高五尺五寸廣三尺二寸十五行行二十四字正書額題長者龕記四字篆書在山西壽陽縣方山

予元祐戊辰奉使河東行太原壽陽縣詣方山瞻李長者像至則荒茅蔽嶺數十里前後無人煙有古破殿屋三間長者堂三間村僧一名丐食于縣未嘗在山予於破竹經架中得長者修行決疑論四卷十元六相論一卷十二緣生論一卷梵夾如新從此遂頓悟華嚴宗旨邑人以予知其長者也相與勸勉擇集賢嶺下改建今昭化院予去彼三十年有住持僧宗悟來言方山非昔日方山也松柏林木高大茂盛不植而生皆應古記又於長者造論處發見龕基以磚石磬砌前建軒閣古跡

歷然僧徒粥鉢不求於外遊人士庶不絕於道相公開  
其始悟之先師政成其終願得相公隻字以為法門之  
光予曰汝持戒人也必不妄語可自紀其實以傳後人  
政和戊戌十月望日觀文殿大學士張商英題付宗悟  
商英名上加口部公之印一方五字篆書

朝請大夫直祕閣權發遣河東路計度轉運使公事  
賜贊魚袋陳知質篆額

迪功郎前房州司戶曹事圓墳居士高厚并  
姘志居士范圖焯施石

宣和庚子歲七月庚申日從政郎前麟州州學教授  
權太原府壽陽縣事田孝孫立石

按宋政和中方山僧宗悟號李長者龕張商英題  
記商英見宋史本傳悟之先師政即政和尚姓羅  
氏見郭瑗書政禪師碑記戊辰元祐三年戊戌政  
和八年是年改元重和庚子宣和二年元豐九域志太原  
府麟州並河東路

方山寺張商英手札

石高尺五寸廣二尺二寸十行行  
字不等草書在山西壽陽縣方山

商英啓承

書喜

局外

安節緣事周就皆出

才幹世間浮幻無常唯此一事真實亦不枉用心也  
甚善甚善冬寒

多愛

商英手啓

仙尉祕校

方山僧法震立石

按張天覺以元祐三年提點河東刑獄至神福山  
訪唐李長者遺像改建昭化禪院後三十年題長  
者龕記付住持僧宗悟此書稱仙尉祕校者其即  
宗悟與錄之以附龕記之後

清輝閣題記

行書在陝  
西韓城縣



建安暨唐裔堯本開封向子山居仁同登清輝閣縱觀  
二樂之美會食烹茶久而後行宣和辛丑七月二十九  
日

原書有目無文注云宣和三年辛丑七月唐裔  
行書在陝西大荔刻楮聖教序碑陰案楮碑陰  
暨唐裔等題名係宣和壬寅上巳所刻是別一  
題名也此刻在韓城北寺誤合為一矣暨其姓  
唐裔其名故字堯本原書作唐裔遺其姓矣攷  
暨姓音吉三國時有暨艷吳郡人為選曹尚書  
宋有暨陶字粹夫崇安人長於聲律以賦知名  
元豐進士第一官至奉議郎登第時臚唱者以

消音呼之迄不應蘇頌奏當識入聲陶果出上  
曰卿何以知為入聲頌曰必三國暨魏之後及  
問陶鄉實云蘇州人上喜曰果吳人也唐裔即  
陶之子官至中奉大夫萬姓統譜系暨姓於去  
聲殊誤陸增祥志

華嚴經藏發願文

宣和三年十月李構記在陝西咸寧

戒石銘并詔

袁本高廣行字不計額題太宗皇帝御製六字篆書  
銘正書高宗詔諭行書諸臣題後正書在廣西梧州  
治府

御製戒石銘 爾俾爾祿民膏民脂下民易虐上天難

欺右太宗成銘刻上  
截字徑四寸許

近得黃庭堅所書

太宗皇帝御製戒石銘恭味

旨意是使民于今不

厭宋德也因思朕異時所歷郡縣其戒石多置蘭檻植

以草花為守為令者鮮有知戒石之所謂也可令摹勒

庭堅所書頒降天下非惟刻諸庭石且令置之座右為

晨夕之念豈曰小補之哉右高宗詔諭刻  
中截字徑一寸半

臣等竊惟

太祖皇帝武定天下而

太宗皇帝文以撫之是時五代之餘遺民赤子新去湯

火哀矜擾綏寄在守令乃發

大訓垂諸庭石如

雲漢在天為光昭同其施在下則為露為雨民涵

斯澤豈其有極而吏更歲久或不知誦斯文矣

皇帝撥亂愛民規撫

祖宗乃六月癸巳

詔以黃庭堅所書刻之石將以口本

賜天下使日見而知戒焉嗚呼此

盛德大業之本豈特讀正觀政要而大息哉臣等材駑

不足以佐口口口口口

萬分而知贊且勵蓋不獨郡邑之吏洗然於

茲賜也謹昧死書于左方紹興二年七月癸酉端明殿

學士左朝議大夫簽書樞密院事權叅知政事臣權邦  
彥左通議大夫叅知政事福建江南西路荆湖南北路  
宣撫使臣孟庾左通奉大夫守尙書右僕射同中書門  
下平章事兼知樞密院事臣秦檜特進尙書右僕射同  
中書門下平章事兼知樞密院事兼督江淮荆浙諸軍  
事臣呂頤浩謹題

右諸臣題後刻下截廿七行  
行十五字字徑七分許正書

爾俸爾祿民膏民脂下民易虐上天難欺太宗皇帝  
書此以賜郡國立於廳事之南謂之戒石銘按成都  
人景煥有野人閒話一書乾德三年所作其首篇頒  
令箴載蜀王孟昶為文頒諸邑云朕念赤子旰食宵  
衣言之令長撫養惠綏政存三異道在七絲驅雞為

理留犢為規寬猛得所風俗可移無令侵削無使瘡  
痍下民易虐上天難欺賦輿是切軍國是資朕之賞  
罰固不踰時爾俸爾祿民膏民脂為民父母莫不仁  
慈勉爾為戒體朕深思凡二十四句景區區愛民之  
心在五季諸僭偽之君為可稱也但語言皆不工唯  
經表出者詞簡理盡遂成王言蓋詩家所謂奪胎換  
骨法也

容齋  
續筆

右碑在梧州府廨一石分上下兩層第一層篆額二  
層銘詞三層高宗諭四層權邦彥等跋叢載云戒石  
銘在橫州甬道黃庭堅書金志云舊覆以亭明嘉靖  
癸巳知州曹儲撤亭移置座右今橫無此碑而梧有

之字畫完好疑為翻刻然筆勢猶髣髴未失真也

通志金石畧

按凡書官職自卑而尊此公牒之式石刻多有之是題銜名乃呂頤浩為首秦檜次之孟庾權邦彥又次之通志稱權邦彥等未審其例

案碑尾尚有銜名兩行曼威難辨僅存管內勸農事借及壽山摹勒上石十二字蓋當時官於梧者以湖南道州亦有此碑大小款式如一蓋梧州本翻刻者筆意微遜而下截較清晰爰據補此本之闕仍偏注以別之貞觀作正避諱也

陸增祥志

讀書巖孫觀題記

石高二尺八寸廣三尺九行行九  
字行書在廣西桂林府讀書巖

孫觀北歸提點刑獄董弁招經畧安撫劉彥適轉運副  
使陳充轉運判官趙子巖餞于蒙亭飯後登鐵牛寺塔  
徒步入巖院觀無盡老人畫像初寮道人書榜讀書巖  
所刻五詠晚集于靜寄紹興四年十月十七日

按孫觀字仲益晉陵人大觀三年進士政和四年

中詞科高宗朝仕至戶部尚書提舉鴻慶宮有鴻

慶集宋詩紀事紹興元年十月龍圖閣待制知臨安府

孫觀提舉江州太平觀觀不為呂頤浩秦檜所喜  
故引疾而有是命二年閏四月孫觀除名象州羈



管二相免覲上書訴枉四年八月詔象州羈管人

孫覲特放令逐便

李心傳建炎以來繫年要錄

詔下於八月覲

以十月奉詔北歸計時正合粵西文載孫覲謫象

州高桂林喜其山水作十詠蓋覲兩年謫寓元風

洞冷水巖伏波巖諸勝皆有題名此其刻石之一

無盡老人張商英號初寮道人王安中號商英神

宗時監荆南稅安中徽宗時知燕山府遼降將郭

樂師同知府事安中不能制藥師叛安中累貶安

置象州並見宋史本傳

江陰

軍乾明院羅漢尊號石刻

紹興四年十二月正書在江蘇江陰

盤采山題名二段

在廣西臨桂縣起紹興訖開元

李似渠等題名

高三尺二寸廣二尺五寸四行六字二行五字篆書左行

日 伯渠景鼎令升少隱公攷同來紹興五年閏二月初十

按似渠李彌大也宋史本傳李彌大字似渠崇寧三年進士建炎元年知淮寧府帝如杭州命試戶部尚書忤旨奪職歸起知靜江府奏廣西邊防利害入為工部尚書未幾罷去廣西提刑韓璜劾其在靜江日斷強盜死罪引絞入斬貶兩秩觀此題刻與是年三月少隱似渠龍隱巖題名十一月尹

稽撰仙蹟記後署吳郡李彌大書則知似渠知靜江為紹興五年文載作六年蓋未審也同游五人陳景淵董令升趙少隱並見紹興四年十月孫仲益八桂堂題記公弼不知其姓令升之升篆書甚顯廣西通志各題名皆誤作叔可以此本正之

詹儀之等題名

高一尺五寸廣二尺八寸六行行八字正書

淳熙戊戌春分日桐廬詹儀之體仁與僚屬來遊王稔登叟王俊仲瑤周邦弼直卿鄭郎夢授

詹儀之字體仁桐廬人金志職官淳熙二年知靜江府十二年再任案儀之隱山題名淳熙五年曾為漕司又陳疇水月洞題名儀之後常為桂帥也宋史有

詹體仁字元善浦城人亦官於桂鄭鄭乾道間靜江府司法叅軍見職官志宋詩紀事鄭鄭夢建安人陝西通志載張續跋其詩云建安先生得句法於石湖早以文章名世當即此人誤以夢字連名稱耳又嶺外代荅載團熙乙未罔兩見於融州鄭隕夢為融教官目見而言之鄭作隕或傳寫之誤而亦連夢字稱去非同時人不應誤備錄俟考

廣西通志金石略

王景道妻賈氏墓誌銘

石縱橫各二尺許二十行行十八字隸書在四川懷遠縣

王夫人賈氏墓誌銘

夫人賈氏上世居開封徙華州渭南曾祖素康州刺史

祖翊贈建寧軍節度使父昌言內殿承制母范氏夫人  
明悟柔惠知書謹禮年七十歸王君景道王氏渭南大  
姓多田疇第宅甲城中園亭壓渭水上羣從子弟皆好  
學登文武科不絕而景道尤厚孝謹夫人相之益蕃  
其家金人亂關中王氏百口皆散夫人同其夫三子永  
之立之壽之一女女之夫蘇承祚隱終南山得脫後入  
階文女死道路間由劍門入西蜀抵犍為清水溪時河  
南邵公謫官居清水溪邵公碩人夫人之妹也夫人曰  
吾於此歸老矣邵公起為宣撫使夫人遣其壻執事帳  
中獨與夫子依碩人不離溪居邵公名為禮部侍郎過  
家視碩人碩人要夫人同出三峽而夫人卒紹興六年

九月壬辰也享年五十六其壻盡力後事以十月辛酉  
葬夫人清水溪羅門灘南岸之山邵公與碩人視窆封  
畢哭弔其夫子於墓下三祝其明靈而妥之以其辭為  
銘銘曰

家秦川葬南隄其萬年安弗遷

誌出隄為縣南二十里清水溪南岸山采入西川通

志誌曰復入階文今階州文皆在甘肅

右誌  
石華

按渭南王景道夫人賈氏避金人之亂依其妹邵  
公碩人於蜀卒葬隄為縣之清水溪誌銘謨書皆  
有法度而不著姓名廣與記邵康節子伯溫為西  
川制置司叅議墓在隄為今誌所云邵公者其亦

康節之後歟抑即伯溫或溫之後也石於嘉慶辛未出槌為縣土中健人知其地為宋賈夫人之墓揭十數本仍瘞之且為封土而纂諸邑志有章君紹香者得此本贈吾友李心咳復來予從心咳得之

古誌石華所載後入階文作復謫官後居清水溪邵公碩人十字作溥碩人三字哭弔其夫子於墓下作哭弔焉夫若子於墓下脫訛多矣增

志

九斗洞篆書題刻

下元癸亥當是紹興十三年在江蘇宜興善權洞

金石續編卷第十七終